

JP „Veterinarska stanica“ Maglaj

Nadzorni odbor JP

Broj: NO-4/2026

Datum: 11.02.2026.

FEDERACIJA BOSNE I HERCEGOVINA			
OPĆINA MAGLAJ			
Služba za boračko-invalidsku i socijalnu zaštitu opću upravu i društvene djelatnosti			
PRIMLJENO	16.02.2026.		
Org. jedinica	Klasif. oznaka	Redni broj	Broj priloga
		1003	

Bosna i Hercegovina

Federacija Bosne i Hercegovine

Zeničko-dobojski kanton

Općina Maglaj

Općinsko vijeće

ANALIZA RADA JP VETERINARSKA STANICA D.O.O. MAGLAJ

OPŠTI PODACI

JP Veterinarska stanica d.o.o. Maglaj djeluje na području općine Maglaj i nadležna je za pružanje veterinarskih usluga isključivo na teritoriji općine Maglaj.

Veterinarska stanica u okviru svoje djelatnosti, ambulantno, u kućnim posjetama i posjetama privrednim subjektima, obavlja razne aktivnosti od kojih se izdvajaju:

- Utvrđuje da li postoji sumnja u zaraznu bolest, te provodi odgovarajuće veterinarsko-zdravstvene mjere radi sprječavanja širenja zaraznih bolesti
- Provodi preventivna cijepljenja, dijagnostičke i druge pretrage u cilju zaštite zdravlja ljudi i životinja
- Obavlja preglede oboljelih životinja te utvrđuje uzroke bolesti ili eventualnog uginuća, obavlja osnovne laboratorijske pretrage te promatranje životinja
- Liječenje bolesnih životinja, obavljanje hirurških, porodijskih i drugih veterinarskih zahvata na životinjama
- Izdaje pasoše za životinje i vodi odgovarajuće evidencije
- Obavlja propisane veterinarsko-zdravstvene preglede svih životinja, životinja namijenjenih za klanje, pregled mesa i namirnica životinjskog porijekla u unutarnjem prometu, proizvodnji i skladištenju

ORGANIZACIJA RADA

JP Veterinarska stanica d.o.o. Maglaj trenutno ima 3 zaposlenika, i to:

1 direktor

1 doktor veterinarske medicine

1 veterinarski tehničar.

Rad stanice je organizovan kroz ambulantni i terenski rad. Ambulante usluge trenutno pruža uglavnom direktor, dok se terenski rad obavlja kroz angažman ostala dva zaposlenika. Direktor je u više navrata iskazao potrebu za angažmanom dodatnog osoblja kako bi se postojeći kadar podmladio i učinio efikasnijim. Iz razgovora sa direktorom preduzeća, došli smo do zaključka da bi se rad stanice izuzetno popravio angažmanom mlađih i svježijih kadrova.

FINANSIJSKI POKAZATELJI

S obzirom da za prethodnu godinu još uvijek nije izrađen završni račun, finansijske pokazatelje možemo posmatrati samo za raniji period, dakle 2023. i 2024. godinu. U 2023. godini, stanica je ostvarila ukupne prihode u iznosu 137.356, dok su ukupni prihodi u 2024. godini iznosili 143.766 KM. Možemo zaključiti da su prihodi ostali na približno istom nivou u obje godine, ali je ipak zabilježen rast prihoda.

Što se tiče rashoda, u 2023. godini ukupni rashodi su iznosili 124.371 KM, dok su u 2024. godini ukupni rashodi iznosili 133.868 KM. Možemo zaključiti da su i rashodi ostali na približno istom nivou, s tim da su rasli nešto više u odnosu na rast prihoda.

Ovo se odrazilo i na ukupan rezultat poslovanja, pa je tako u 2023. godini dobit iznosila 11.686 KM, dok je u 2024. dobit preduzeća iznosila 8.900 KM.

Stanica većinu svojih prihoda generira iz pružanja usluga za koje je registrovana, dok u rashodovnim stavkama najveću stavku predstavlja izdatak za plaće i ostala lična primanja zaposlenika. U 2023. godini taj izdatak je iznosio 75.056 KM, dok je u 2024. iznosio 88.108 KM.

PROBLEMI S KOJIM SE SUSREĆE PREDUZEĆE

Od problema s kojim se preduzeće susreće, po našem mišljenju izdvaja se problem sa radnom snagom, te problematika oko osnivanja higijenskog servisa.

Kada je u pitanju radna snaga, direktor je u više navrata naglasio potrebu za podmlađivanjem kadra. S obzirom da se aktivno radi na osnivanju higijenskog servisa pri JP Veterinarska stanica, smatramo da će u narednom periodu još više doći do izražaja potreba za upošljavanjem dodatnog radnika.

Drugi problem sa kojim se stanica suočava je više proceduralne prirode, a tiče se osnivanja higijenskog servisa. Naime, stanica je u prethodnom periodu izgradila sklonište za napuštene životinje, međutim inspekcijskim nadzorom je utvrđeno da stanica nema uslove da obavlja djelatnost hvatanja i zbrinjavanja napuštenih životinja (u prvom redu pasa litalica), te da je za nastavak tih aktivnosti neophodno osnivanje higijenskog servisa putem kojeg bi se ove aktivnosti provodile u budućnosti. Kako smo informisani od strane direktora, procedura za osnivanje higijenskog servisa je pri samom kraju, te očekujemo da poslije osnivanja higijenskog servisa, stanica preuzme aktivnu ulogu u hvatanju i udomljavanju napuštenih životinja, u prvom redu pasa litalica.

Od ostalih aktivnosti vezanih za JP Veterinarska stanica, ističemo da je aktuelnom direktoru istekao mandat, te je pokrenuta procedura za izbor i imenovanje novog direktora. Nakon provedenog javnog konkursa, ustanovljeno je da se na konkurs prijavio samo aktuelni direktor te da je njegova prijava bila uredna i kompletna. S obzirom na navedeno, NO je poslao dopis Općinskom vijeću, koje obnaša ulogu skupštine preduzeća, u kojem traži saglasnost za konačno imenovanje Šehović Amira za direktora preduzeća u četverogodišnjem mandatu. Ukoliko Općinsko vijeće izda traženu saglasnost, NO će donijeti rješenje o konačnom imenovanju čime će se okončati procedura za izbor i imenovanje direktora JP Veterinarska stanica d.o.o. Maglaj.



Harun B.

Predsjednik Nadzornog odbora